



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

I. Viæ *Cometarum*, secundum hypothesin quæ statuit illos cursu suo Parabolam circa Solem describere, per *Nicolaum Struijck*, R. S. *Lond. S.*

Presl. April 6. ^{1749.} **I**ndagationem cursus cometarum ex præ-

cipuis astronomiæ sublimioris partibus esse, nemo hodie astronomorum in dubium vocaverit: postquam vir summus *Isaacus Newtonus* ante annos LXIII in lucem edidisset celebratum problema de via cometarum per tres observationes accuratas inveniendâ ex hypothesi, illos cursu suo parabolam circa solem describere, hac methodo usus *E. Hallejus* vias XXIV cometarum per calculum determinavit in tabella, quæ reperitur in *Transactionibus Philosophicis* N. 297. p. 1886. et in *Actis Eruditorum* anni 1707. p. 216. Revera autem sunt XXI cometæ diversi. Quanto labore id constiterit, docent ipsa *Halleji* verba, qui “ undique enim, inquit, conquistis cometarum observationibus tabellam, immensi pene calculi fructum obtinui.” Non opus est ut demonstrem, quam necessaria sit ista tabella seculis venturis; sufficiat testimonium auctoris modo citati; “ Huic tabulæ adornandæ nullis peperci laboribus, ut perfecta prodiret; utpote posteritati consecrata; ac cum scientia astronomica duratura.”

Tanti viri vestigio insecutus eadem methodo alios XVIII cometas, qui in illa tabula non reperiuntur, undique conquistos annotavi, eo consilio ut tandem singulorum tempus periodicum inveniri posset. Ne vero istæ observationes de viis cometarum casu aliquo

perirent, illas nunc in publicam lucem emittere decrevi, simul officii mei esse ratus indicare quinam illas calculo arithmetico accommodaverint. Via cometarum anno 1723, et 1737, per calculum determinata est a *J. Bradley*. via cometarum 1744, a *J. Bets*. via cometarum 1699, 1702, et 1739, ab *Abbate de la Caille*. via secundi cometæ 1793, a *D. Klinkenberg*; via secundi Cometæ anno 1796, a *des Cizeaux*; primi Cometæ anni 1798, a *Maraldi*. Cumque ipse tempore excluderer, observationes Cometarum conspensorum annis 1533, 1678, 1718, et 1729, cum *C. Downes* calculo subjiciendas communicavi. Cometæ vero ann. 1706, 1707, 1742, primum anni 1743, et secundi anni 1748, ipsemet ad calculum revocavi: quin etiam haud variis rationibus ductus, existimo, ejusdem anni 1748, mense *Mai*, et hic *Amstelodami*, et aliis *Europæ* locis, simul et eadem nocte tres cometæ conspici potuisse; cujus rei in historiis nullum aliud indubitatum exemplum extat. Addidi etiam Cometam exitu anni 1680, et initio anni 1681 conspectum; quia in postrema *Is. Newtoni* editione emendationes leguntur, per quas ellipsis, quam circa solem movendo descripsit, determinatur.

Nunc etiam indicandum esset, quantum theoria singulorum Cometarum ab observationibus differat; sed brevitati studens hanc tractationem alii scripto, cujus editionem paro, servare malui, illud unice monens; ex xxxi observationibus, quas habeo, Cometæ ann. 1742, conspecti, esse xxii quarum longitudines vix unico minuto inter se differunt, et xxiii, quarum latitudines ne minuto quidem differunt.

Sequuntur viæ xix Cometarum, quorum supra facta est mentio.

Tempus

Tempus Aequationis Perihelii Londini.				Nodus Afcent.			Inclinatio Orbitæ.			Perihelion in Orbe.			Dif. Perih. a Sole.		Motus
An.	d	h	'	°	'	"	°	'	"	°	'	"	Part.	"	
1533 Junii	16	19	30	0	5	44	0	35	49	0	27	16	0	20280	Retro.
1678 Augusti	16	14	3	0	11	40	0	3	4	20	27	46	0	123802	Dir.
1699 Januarii	2	8	22	19	21	45	35	69	20	0	11	2	31	6	Retro.
1702 Martii	2	14	12	10	9	25	15	4	30	0	18	41	3	64590	Dir.
1706 Januarii	19	4	56	0	13	11	23	55	14	5	12	36	25	42686½	Dir.
1707 Nov.	30	23	43	6	22	50	29	88	37	40	19	58	9	85904	Dir.
1718 Januarii	4	1	14	55	7	55	20	31	12	53	1	26	36	102565	Retro.
1723 Sept.	16	16	10	0	14	14	16	49	59	0	12	15	20	96942	Retro.
1729 Junii	12	6	35	91	10	35	15	77	1	58	22	16	53	906980	Dir.
1727 Januarii	19	8	20	0	16	22	0	18	20	45	25	55	0	22282½	Dir.
1739 Junii	6	9	59	49	27	15	14	55	42	44	12	38	40	67358	Retro.
1742 Januarii	28	4	20	50	5	34	45	67	4	11	7	33	44	76555½	Retro.
1742 Decemb.	30	21	15	16	8	10	48	2	15	50	2	58	4	83811½	Dir.
1743 Septemb.	9	21	16	18	5	16	25	45	48	21	6	33	52	52157	Retro.
1744 Februarii	19	8	27	0	15	45	20	47	8	36	17	12	55	222061½	Dir.
1747 Februarii	17	11	44	38	26	58	27	77	56	55	10	5	41	229388	Retro.
1748 Aprilis	17	19	25	41	22	52	16	85	26	57	5	0	50	84066½	Retro.
1748 Junii	7	1	24	15	4	39	43	56	59	3	6	9	24	65525½	Dir.
1680 Decemb.	7	23	9	0	2	2	0	61	6	48	22	44	25	617	Dir.

Distantiæ autem Periheliæ æstimantur in ejusmodi partibus, quales mediæ distantæ terræ a sole habet centies millenas.

II. Epistola à *Joh. Jacobo Hubero* M. D. ad *Cromwell Mortimerum* R. S. Secret. de *Cadavere aperto*, in quo non extitit *Vesica fellea*; et de *Sterno gibboso*.

Read April 6
1749.

NON sine aliquo literario munusculo ad te celeberr. *Mortimere*, ad re fas est, virum humanissimum quidem, sed eundem etiam talium rerum avidissimum, quibus a iqua pars illius cognitionis contineatur, in qua augenda et publicanda illustrissima Societas, cujus tibi acta commissâ sunt, elaborare solet. Superest, ut hic aliquid invenias ab illo instituto non abhorrens. Volui certe aliquem tibi gustum quasi dare, quid, præter scopum primum, fabricam corporis humani docendam Medicinæ, Chirurgiæ præsertim studiosos, spectare in quotidianis cadaverum humanorum sectionibus, in *Theatro C. llegii* apud nos *Carolini* institutis, consueverim, et cujus generis observationes expectari porro, ut in rebus humanis, a me possint.

Observationes autem e pluribus duas hic speciminis et gustus causâ breviter describam, unam quæ vitiatam, coque ipso singularem sistit partis corporis humani structuram, simulque usum arti salutari præstare nonnullum videtur; alteram, quæ œconomîæ corporis nostri singularem præbet mechanismum, quo etiam physiologorum discrepantes de bile cystica sententiæ